



Forslag til ordning for hovudgudsteneste i Foldnes kyrkje

i. Samling

1 Førebuing

Kyrkjerommet er ope ei stund før gudstenesta, med høve til å vera stille, tenna lys og be.

Klokkeringing

Her eller etter ledd 3 Helsing kan det vera

Kort informasjon om gudstenesta i dag ved medliturg eller liturg.

Informasjonen blir avslutta med:

ML/L: Lat oss vera stille for Gud.

Kort stille stund

Tre klokkeslag

Eit stjerneteikn (*) er sett til ledd der kyrkjelyden som hovudregel står.

*2 Inngangssalme

Bruk av prosesjon og prosesjonskors når det er dåp, konfirmasjon og gudstenestar i samband med trusopplæring Kyrkjelyden står under prosesjon, Inngangssalme og Helsing.

*3 Helsing

Kjære kyrkjelyd:

L | Nåde vere med dykk og fred
frå Gud, vår Far, og Herren Jesus Kristus.

eller

L | Vår Herre Jesu Kristi nåde, Guds kjærleik

og Den heilage andens samfunn vere med dykk alle.

Kyrkjelyden set seg.

Dersom kort informasjon om gudstenesta ikkje vart gjeven under ledd 1, kan det koma her.

4 Samlingsbøn

Sjå samlingsbøner og bruken av desse.

ML | Lat oss be.

Hovudsakleg bruar vi denne samlingsbøna:

ML | Heilage Gud, vi er samla for ditt andlet for å møte din kjærleik og di sanning. Send oss din Ande og gjer oss opne for det du vil gje oss. Lat ordet ditt slå rot i hjarta våre, så Kristus lever i oss, og vi blir eitt i deg og tener deg i alle ting.

I nokre høve kan vi nytta denne bøna:

ML | Gode Gud, du som gjev liv til alt som lever, vi prisar deg for alt det vakre på vår jord, og for alt som lèt oss kjenna at du er god.

Her for ditt andlet bed vi: Gjev oss lyttande øyre, takksame hjarte og tenande hender, så vi kan høyra ordet ditt, lovprisa deg for di miskunn, og i ord og gjerning vitna om dine storverk.

ML | Gud, vi bed.

A | **Amen.**

5 Syndsvedkjenning

L | I tillit til Guds nåde vil vi be om tilgjeving.

Stilt ei kort stund

Liturgen kneler under syndsvedkjenninga og den stille stunda. Også kyrkjelyden kan knela.

anten a

A | Gud, ver meg nådig!

Eg har synda mot deg og svikta min neste
– med tankar og ord, med det eg har gjort,
og med det eg har forsømt.

Tilgjev meg mi synd for Jesu Kristi skuld. Skap i meg eit reint hjarte,
og gjev meg kraft til nytt liv ved din heilage Ande.

I nokre høvd kan denne syndsvedkjenninga og nyttast:

A | Heilage Gud, vår skapar, sjå i nåde til oss.
Vi har synda mot deg og brote boda dine.
Tilgjev oss for Jesu Kristi skuld. Set oss fri til å tena deg,
verna om skaparverket
og møta vår neste med kjærleik.

6 Bønerop KYRIE og 7 | Lovsong GLORIA

Kyrie og Gloria blir sungne. Gloria kan utelatast i fastetida.

Allmenn serie 1

anten

A | Kyrie eleison. Gud Fader, miskunna deg. Kriste eleison. Herre Krist, miskunna deg. Kyrie eleison. Heilag Ande, miskunna deg.

Kyrie

Bønerop

Åshild Watne

A: Ky - ri - e e - le - i son. Gud Fa - der, mis - kun - na deg.

Ky - ri - e, ky - ri - e, ky - ri - e e - le - i son.

Kris - te e - le - i son. Her - re Krist, mis - kun - na deg.

Kris - te, Kris - te. Kris - te e - le - i son.

Ky - ri - e e - le - i - son. Hei - lag An - de, mis - kun - na deg.

Ky - ri - e, ky - ri - e, ky - ri - e e - le - i - son.

anten gloria 1 a

L/ML | Ære vere Gud i det høgste

A | og fred på jorda blant menneske som Gud har glede i. Vi lovar deg, vi prisar deg, vi tilbed deg, vi opphøgjer deg. Ved kort form: Amen.

Gloria

Lovsong

Odd Johan Overøye

i. Vi lo - var deg, vi pri - sar deg, vi til - bed deg, vi opp - hø - gjer deg. Vi lo - var deg, vi pri - sar deg, vi til - bed deg, vi opp - hø - gjer deg. Vi opp - hø - gjer deg. A - men, a - men.

(Gloria: Utan repetisjon av siste del)

8 Dåp

- Dåpsbarnets fulle namn lesast i «førebuinga» av medliturgen
- Det er rom for 3 dåp i familiegudstenester og 5 i hovudgudstenesta. Vi har normalt to dåpsgudstenester på laurdagar kvart semester
- Kyrkjetenar heller vatn i døypefonten
- Kyrkjetenar tennar dåpslysa etter at alle dåpsborna er døypte

ii. Ordet

I andre hovudgudstenester enn høgmesse kan det vera to lesingar, eller éi lesing (evangeliet). Då kan ledd 10 Bibelsk Salme / Salme falla bort. Kyrkjelyden står under evangelielesinga og sit under dei andre

lesingane.

L/ML | Lat oss høyra Herrens ord.

9 Første lesinga

Frå Det gamle testamentet

ML | Det står skrive i/hos...

Lesinga sluttar med:

ML | Slik lyder Herrens ord.

10 Andre lesinga

Frå Det nye testamentet utanom evangelia

ML | Det står skrive i...

Lesinga sluttar med:

ML | Slik lyder Herrens ord.

11 Bibelsk salme / Salme

*12 Evangelium

Halleluja.

L | Gud vere lova

A Halleluja, halleluja, halleluja

Evangelielesing

L/ML | Det står skrive i evangeliet etter...

Lesinga sluttar med:

L/ML | Slik lyder det heilage evangeliet.

Respons

Hallelujaomkvedet blir teke oppatt.

Dei gongane evangelielesinga er ein del av preika, kan ein la vere å nytta respons.

13 Preike

Etter preika kan det vera høve til ei stille stund, ein kort salme eller meditativ musikk.

*14 Truvedkjenning credo

Truvedkjenninga blir sagt fram.

Dersom det er dåp i gudstenesta, kan truvedkjenninga utelatast her. Eventuelt kan ein her syngja ein truvedkjenningssalme.

ML/L | Lat oss vedkjennast vår heilage tru.

A | **Eg trur på Gud Fader, den allmechtige, som skapte himmel og jord.**

**Eg trur på Jesus Kristus,
Guds einborne Son, vår Herre,
som vart avla ved Den heilage ande, fødd av Maria møy,
pint under Pontius Pilatus,
vart krossfest, døydde og vart gravlagd, fór ned til dødsriket,
stod opp frå dei døde tredje dagen, fór opp til himmelen,
sit ved høgre handa åt Gud, den allmechtige Fader, skal koma att derifrå
og døma levande og døde.**

**Eg trur på Den heilage ande, ei heilag, allmenn kyrkje,
eit samfunn av dei heilage, forlating for syndene, oppstoda av lekamen
og evig liv.**

Amen. *Den apostoliske truvedkjenninga*

Ved høgtid og i andre særskilde høve kan ein nytta den nikenske truvedkjenninga

A | **Vi trur på éin Gud, den allmechtige Far,
som har skapt himmel og jord, alt synleg og usynleg.**

**Vi trur på éin Herre, Jesus Kristus, Guds einborne Son,
fødd av Faderen før alle tider, Gud av Gud, lys av lys,
sann Gud av sann Gud, fødd, ikkje skapt,
av same vesen som Faderen. Ved han er alt skapt.
For oss menneske og til vår frelse steig han ned frå himmelen,
og ved Den heilage ande og av Maria møy vart han menneske av kjøt og blod.
Han vart krossfest for oss under Pontius Pilatus, leid og vart gravlagd,
stod opp tredje dagen etter Skriftene og fór opp til himmelen,
sit ved høgre handa åt Faderen, skal koma att i herlegdom
for å døma levande og døde,
og hans rike skal vera utan ende.**

**Vi trur på Den heilage ande, som er Herre og gjer levande,
som går ut frå Faderen og Sonen,
som vert tilbeden og æra saman med Faderen og Sonen, og som har tala
gjennom profetane.**

Vi trur på éi heilag, allmenn og apostolisk kyrkje. Vi vedkjennest éin dåp til

forlating for syndene og ser fram til oppstoda av dei døde og eit liv i den komande verda. Amen. *Den nikenske truvedkjenninga.*

15 Salme

Som alternativ kan ein syngja salmen mellom ledda 13 Preike og 14 Truvedkjenning.

16 Kunngjeringar

Ein har korte kunngjeringar her og under takkofferet visar vi kunngjeringar på vegggen.

18 Forbøn for kyrkja og verda

Sjå forbønstema, forbønsmodellar, formulerte forbøner og litani.

Forbøna kan utformast lokalt, eller ein kan bruka ferdig formulerte bøner.

Forbøna bør helst leiast av ein medliturg. Dei enkelte bøneavsnitta kan lesast av fleire.

eller

ML/L | Vår Far i himmelen:

Takk for at du skapte oss,

og takk for at du skapte jorda vi bur på.

Takk for at du kjenner og elsker oss.

Hjelp oss ti å ta vare på kvarandre og på alt det du har skapt.

Gud, vi bed.

K | Kyrkjelydssvar

Kjære Jesus.

Du fann vener du kunne gleda deg saman med og gråta hos.

Takk for evna vår til venskap.

Hjelp oss å vera til stades for kvarandre.

Lat alle menneske finna nokon dei kan stola på.

Du har vist oss at alle menneske er like viktige

Og like verdfulle.

Ver hos alle som lid på grunn av ufrostand eller vondskap.

Hjelp oss til å kjempe mot undertrykking og urett.

Gud, vi bed

K | Kyrkjelydssvar

Gode heilage Ande.

Du viser oss vegen vi skal gå.

Gjev oss vilje og kraft til å gå han.

Gjev oss visdom og styrke, så vi kan stå saman.

Du har kalla oss til å vera di kyrkje.

Kom til oss med dine gaver,
og hjelp til å vera lys og salt i verda.
Gud, vi bed.

K | Kyrkjelydssvar

M | Høyr vår bøn. Høyr vår bøn. Lat riket ditt koma, lat viljen din råda. Høyr vår bøn.

ELLER
KYRKJELYDSSVAR 2

FORBØN

M: Iver Kleive
S: Komponisten

K: Høyr vår bøn. Høyr vår bøn. Lat ri - ket ditt

ko - ma, lat vil - jen din skje, Gud! Høyr vår bøn.

Siste gong:
A - men.

Vi minnest dei døde og bed for dei sørgjande

ML/L | Vi reiser oss og minnest dei i kyrkjelyden vår som det er halde gravferd for sidan sist vi var samla.

Kyrkjelyden reiser seg.

Ein les opp namna på dei døde. Kort stille stund.

ML/L | Lær oss å telja våre dagar så vi kan få visdom i hjartet! **Sal 90,12**

eller

ML/L | Jesus seier: «Eg er oppstoda og livet.

Den som trur på meg, skal leva om han så døyr.» **Joh 11,25**

eller

ML/L | No er livet gøymt hos Gud. Vi overgjev alt til han. Håpet er tent i liv og død. Ingen er gløymd av Gud. **(N13: 872,5 – her omsett til nynorsk, T Svein Ellingsen)**

Deretter kan ein be denne eller ei liknande bøn:

ML/L | Miskunnsame Gud, trøyst dei sørgjande og ver dei nær i tida som kjem.

19 Takkoffer frå kyrkjelyden

Takkoffer kan ein samla inn her eller under salmen i ledd 20, eventuelt under ledd 27.

Under ofringa kan det framførast høveleg instrumental- eller vokalmusikk. Takkofferet kan samlast inn i kyrkjebenkene eller ved at ein går rundt altaret.. Kunngjeringar vert vist på veggen.

Ofringa blir avslutta med:

L | Evige Gud, di er jorda og det som fyller henne.

Alt vi eig høyrer deg til. Av ditt eige gjev vi deg attende.

A eller **L** | **Ta imot oss og gåvene våre i Jesu namn. Amen.**

Om nattverd ikkje er med i hovudgudsteneste, går liturgien vidare med ledd 24.

iii. Nattverd

20 Førebuing av måltidet

Nattverdssalme viss det ikkje er då.

*21 Takkseiing og bøn

(Byggjer på Emmausforteljinga, Luk 24)

Nattverdsbøn d

Helsing PREFASJONSDIALOG

L syng eller seier | Herren vere med dykk.

K reiser seg og syng | **Og med deg vere Herren.**

L | Lyft dykkar hjarte.

K | Vi lyfter våre hjarte til Herren.

L | Lat oss takka Herren vår Gud.

K | Det er verdig og rett.

Innleiande lovprising Prefasjon

Liturgen vender seg mot altaret og syng eller seier fram kyrkjeårsprefasjonen

(sjå side 244–246), eller følgjande ord:

L | Vi prisar deg, evige Gud, du som har skapt verda og alt som er i henne. Det er i deg vi lever, rører oss og er til. Saman med din kyrkjelyd i himmelen og på jorda lovsyng vi ditt heilage namn:

Heilag SANCTUS

Hellig, Herren Sebaot 49

N. P. Norsk tekst: Peter Sandwall, vers 1
Thomas Bjerkholt, vers 2, 3. Nolerance Prince

1. Hel - lig, hel - lig, hel - lig er Her - ren Se - ba - ot.
2. Re - ne, re - ne, re - ne, er vi i Lam - mets blod.
3. Je - sus, Je - sus, Je - sus, du er min Her - re og Gud!

Hel - lig, hel - lig, hel - lig er Her - ren Se - ba - ot. He - le
Re - ne, re - ne, re - ne, er vi i Lam - mets blod. Vi skal
Je - sus, Je - sus, Je - sus, du er min Her - re og Gud! Jeg vil

jor - den er full av hans her - lig - het, he - le jor - den er full av hans her - lig - het, he - le
le - ve med Ham i all e - vig - het, vi skal le - ve med Ham i all e - vig - het, vi skal
gi deg mitt liv og min lov - sang nå, jeg vil gi deg mitt liv og min lov - sang nå, jeg vil

jor - den er full av hans her - lig - het, æ - re væ - re Gud!
le - ve med Ham i all e - vig - het, æ - re væ - re Gud!
gi deg mitt liv og min lov - sang nå, æ - re væ - re Gud!

Chords: Bb, Eb/Bb, Bb, Cm7, Fsus4, Bb, Bb, Cm7, F7, Bb, Eb, C7, F, Bb, Eb, C, F, F/Eb, D, Gm, Gm/F, Eb, F7, Bb

L/ML syng eller seier | Vi takkar deg, all miskunns kjelde. Du sende Son din. Han vart krossfest og stod opp frå dei døde. Han opna skriftene og openberra seg for venene sine då han braut brødet og gav dei.

L | No bed vi deg: Lat din heilage Ande koma over brødet og vinen, så auga våre blir opna, og vi kjenner han att som vår krossfeste og oppstadne Frelsar.

Innstiftingsorda VERBA

L | Vår Herre Jesus Kristus, i den natta han vart sviken, tok han eit brød, takka, braut det, gav læresveinane og sa: Ta imot og et! Dette er min kropp som blir gjeven for dykk. Gjer dette til minne om meg. Like eins tok han begeret etter måltidet, takka, gav dei og sa: Drikk alle av det!

Dette beger er den nye pakt i mitt blod som blir utrent for dykk, så syndene blir tilgjevne. Kvar gong de drikk av det, så gjer det til minne om meg.

Når liturgen syng eller seier fram orda, eller etter kvar del av innstiftingsorda, lyfter liturgen først brødet, deretter vinen.

A | **Kristus døydde. Kristus stod opp. Kristus skal koma att. Han vere ære for kjærleiken som er sterkare enn døden.**

L/ML seier | Heilage Gud, fyll oss med din Ande. Gjev oss brennande hjarte, så vi i undring og glede tek vare på ordet ditt og viser miskunn mot den som lid. Bli hos oss, også når vi tvilar og sørgjer. Gå med oss, inntil sakn og smerte har vike for evig jubel og lovsong.

Nattverdsliturgien går vidare med Fadervår.

L/ML syng eller seier | Gud, fyll oss med din Ande. Ta oss alle i din famn, slik ei kjærleg mor samlar borna sine om seg. Lat dei små bli lyfte opp og dei svoltne bli metta med gode gåver.

Liturgen og/eller eitt eller fleire born syng eller seier:

Saman med alle dine born bed vi den bøna Son din har lært oss.

Nattverdsliturgien går vidare med Fadervår.

Fadervår

Blir sagt fram

A | **Vår Far i himmelen! Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldningar. Og lat oss**

ikkje koma i freisting, men frels oss frå det vonde.
For riket er ditt og makta og æra i all æve. Amen.

*22 Nattverdsmåltidet

Kyrkjelyden står heilt til dei første går fram til nattverden.

Fredshelsing PAX

L seier | Guds fred vere med dykk.

K | **Guds fred vere med deg.**

Her kan ein leggja til:

L/ML | Lat oss helsa kvarandre med eit teikn på fred.

Kyrkjelyden helsar kvarandre med handtrykk og seier «Guds fred» eller liknande ord.

Du Guds Lam AGNUS DEI

Agnus Dei

Du Guds Lam

Peter Sandwall

Du Guds Lam, som ber all verd-sens syn - der, mis -
kun - na deg o - ver oss. Du Guds Lam, som ber all verd-sens
syn - der, mis - kun - na deg o - ver oss. Du Guds
Lam, som ber all verdsens syn-der, gjev oss din fred.

L seier | Kom, for alt er gjort ferdig.

Utdeling

Utdelingsorda lyder slik:

Kristi kropp, gjeven for deg. Kristi blod, gjeve for deg.

Liturgen kan seia dette eller liknande ord:

Herren velsigne deg og vare deg og føre deg til det evige livet.

Dersom det er utdeling med felles knefall, kjem fredsønsket anten etter kvart knefall eller til slutt.

Etter utdelinga:

L seier | Den krossfeste og oppstadne Jesus Kristus har no gjeve oss sin kropp og sitt blod som han gav til soning for alle våre synder.

A | **Han styrkje oss og halde oss oppe i ei sann tru til det evige livet.**

L | Fred vere med dykk.

23 Avslutning av måltidet

Alteret blir rydda. Beger og disk blir dekte med nattverdsklede.

Takkebøn

Her kan liturgen/medliturgen seia eller syngja:

L/ML: Lat oss takka og be

L/ML | Vi takkar deg, nådige Gud, du som gjennom brødet og vinen har gjeve oss del i Jesu Kristi sigerrike død og oppstode. Vi bed deg:

L | Styrk oss ved din Ande til vitnemål og teneste i verda.

iv. sending

*24 Salme

Salmen kan flyttast til Postludium/Utgangsprosesjon, ledd 27.

*25 Velsigning

Når det gjeld velsigningsord som kan brukast på andre hovudgudstenester enn høgmessa.

Velsigninga blir sungen eller lesen.

Den enkelte kan gjera krossteikn etter velsigninga. Innleiing til velsigninga kan vera:

Lovprising BENEDICAMUS

L/ML syng eller seier | Lat oss prisa Herren.

A | **Gud vere lova. Halleluja. Halleluja. Halleluja.**

L seier | Ta imot velsigninga.

L syng eller seier | Herren velsigne deg og vare deg. Herren late sitt andlet lysa over deg og vere deg nådig. Herren lyfte sitt åsyn på deg og gje deg fred. ✠

Kyrkjelyden kan syngja:

K | Amen. Amen. Amen.

Tre gonger tre bøneslag

*26 Utsending

Dersom kyrkjelyden blir sitjande under det etterfølgjande postludiet, kan utsendingsordet seiast etter postludiet.

L/ML | Gå i fred. Ten Herren med glede.

*27 Postludium/Utgangsprosesjon

Andre retningsliner for hovudgudsteneste

- Det er gudsteneste kvar søndag i Foldnes kyrkje
- Det er familiegudstenester eller Ung Messe ei gong i månaden utanom sommarmånadene.
- Det er kveldsgudsteneste siste søndag i månaden.
- Det er to felles friluftsgudsteneste kvart år i lag med Fjell og Landro sokn (ulike stader)
- Misjon, diakoni og trusopplæring skal integrerast i gudstenestefeiringa
- Soknerådet vedtar plan for takkeoffer
- I tillegg legg vi inn følgjande punkt i grunnordninga:
 - skattekiste etter nådehelsing,
 - bornesong etter gloria/dåp, før søndagsskulen går ut
 - Søndagsskulen går ut etter dåp og kjem inn til nattverdsmåltidet